



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCXLIII. Das Kloster Diesdorf bekundet, daß Jutta von Bodendiek
Hebungen aus Jubar, Drewenstedt und Protze in das Küsteramt geschenkt
habe, am 25. Januar 1413.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

CCXLII. Gempo und Afche von dem Knefbeck verfaufen dem Klofter Diesdorf ihren Hof zu Annendorf wiederkäuflich, am 25. Juli 1410.

We hempe vnd affchen van dem knefbecke, brodere, Bekennen in dessem open breue, dat we hebben vorkoft vnd laten mid wulbord vser eruen hern ludelue verdeman, proueste, vor alheyde van dem knefbecke, priorynne, vnde der ghantzen samninghe vnd al eren nakomelinghe to distorpe vfen hoff to annendorpe mid allerleye tobehoringhe an holte, an velde, an wiffchen, an weyde, mid besettinghe vnnnd entfettinghe vnnnd mid allerleye rechte, also en vs vfe vadere erued heft, vor twintich mark pennighe, de vs to danke bered sin —. Vnnnd hebben de gnade beholden, wan thein iar vorghan sin na vtghift dusses breues vnnnd nicht eer, dat we dussen vorbenomeden hoff vor de twintich mark moghen wedderkopen vppe pafchen, dest we en dat vorkundighen to winachten, vnnnd we eder nemant van vser weggen en schulded sik des houes nenerleye wis vnderwinden, we en hebben en de vorbenomeden twintich mark pennighe to danke bered to eynem male. Alle dusse vorfcreuen stukke vnnnd eyn Jowelk artikel befunderen loue we vorbenomeden hempe vnnnd affchen van dem knefbecke mid eyner samenden hand den erbenomeden hern ludelue verdemanne, proueste, vor alheyden van dem knefbecke, priorynne, vnnnd der ghantzen samninghe vnnnd alle eren nakomelinghe des Closters to distorpe, stede vnnnd vaste to holdende, ane allerleye arghelift ofte hulperede. Des tu tughe vnnnd groteren orkunde hebbe we vfe Ingheseghele laten henghen an dessen open briff, de ghegheuen vnnnd sereuen is na godefbord veretheinhunderd Jar, dar na in dem theinden iare, in sunte Jacoppes daghe des hilghen apoftolen.

CCXLIII. Das Kloster Diesdorf befundet, daß Jutta von Bodendief Gebungen aus Jubar, Dreuenstedt und Protze in das Küsteramt geschenkt habe, am 25. Januar 1413.

We her ludelf, prouest, vor Alheyd, prioryn, vnnnd de gantze samelinghe de Jucfrowen to distorpe bekennen vnde betughen in dessem breue vor alfweme, dat ver Jutte van bodendike vmme salicheyt willen orer zele vnnnd alle erer frunde zele heft ghegeuen in de ere godes vnnnd in vnse Closter by vnse kolsterie ammecht ghelecht eyn verndel roghen Jarliker ghulde, alle Jar vptonemende in den dorpen to Jubere vnnnd to dreuenstede, vnnnd eyn verndel roghen vnde twelf schillinghe Jarliker ghulde, alle Jar vptonemende in dem dorpe to Protze vnde by dem vorbenomden Ammechte to ewighen tiiden to blyuende, In desser wyse, dat de vorbenomde ammecht vrouwe von dem verndel roghen to Jubere vnde to Dreuenstede schal tughen wyn, dat me den Jucfrowen gheue In der hillighen dryer konnighe daghe, In dem hilghen Daghe to Pinxten vnde in dem hilghen daghe vnser leuen vrowen der Crudwicinghe, wan se godes lichamen ghenamen hebben, vnde van dem verndel roghen vnde twelf schillinghen to Protze dar schal men van holden en ewich licht dach vnde nacht to bernende In dem Nyen Jares daghe vnde in

dem daghe vnser leuen frowen erer bevanginghe, ok dach vnde nacht to bernende, vnde dat alle Jar to ewyghen tiden also to holdene, vnde wes dar denne auerlepe, dat schal de ammecht vrowe beholden to dem luchte to hulpe, wur me des in der kerken bedarff, vnde de Ammecht vrowe de schal dit truwelken vorstan, also dat dit also alle Jar vnvorbroken holden werde, Also also se vor dem strengen richte godis dar vore antworten wille, vnde hebben des to bewisinghe we her ludeleff, prouest, vnse Ingheseghel vnde we ver Alheyd, pryorend, vnser stichtes Ingheseghel ghehenghet an dessen breff, Na godes bort verteynhundert Jar, darna in dem dryteynden Jare, In sunte Paulus daghe, alle he bekard ward.

Nach einer gleichzeitigen Copie auf Papier.

CCXLIV. Hansen's von dem Knefbeck, Jürgen's Sohn, Schuldbrief und Rentenverschreibung für Heinrich Widenbrugge und Mette von Marenholz, Conventualin zu Diesdorf, vom 2. März 1415.

Ik hans van deme knesbeke, Jürges sone, vnde myne eruen bekennen vnde betugen openbar in desseme opene breue vor alweme, dat ik schuldich bin rechter witliker schult hinrike widenbruggen, Metteken van marnholte, eren eruen vnde deme eder den, de dessen breff hedde edder hedden sunder hinrekes widdenbruggen vnde metteken van marnholte, closteriuncvruwe to distorpe, wedersprake, viff mark luneborger pennynge, dar hebbe ik one vore vorkofft achte schillinghe geldes iarliker rente in deme dorpe to rustenbeke. Weret ok, dat ik hans van deme knesbeke vorbenomet edder mine eruen desse vorbenompden achte schillinge geldes iarliker rente wolden wederkopen, So hebbe we de gnade beholden, dat we on to allen sunte mertens daghe moghen de losinghe kundegen, dar na to den negeften wintachten schal ik eder myne eruen dessen vorbenompden vnde eren eruen eder deme holdere desser breues desse vorfereuenn viff mark wedergeuen to ghenoghe. Alle desse vorfereuenn stücke loue ik hans vamme knesbeke, Jürges sone, mit pardeme vamme knesbeke, mynem brodere, vnde mit Jane vamme knesbeke, mynem vedderen, annen sone, hinreke widenbrugge, Metteken van marnholte, eren eruen vnde deme oder den, de dessen breff hedde edder hedden sunder hinrekes widenbrugghen vnde Metteken van marnholte vorbenompden wedersprake, Stede, vast, in ghuden truwen to holdende, sunder allelist, hulperede, inval eder nygevunde, de vs to vromen vnde on to schaden komen konde. To merer wissenheyt alle desser vorfereuenn stücke hebbe we hans, pardem, brodere, Jürges sone, vnde Jan, annen sone, vorbenomet, alle heten vamme knesbeke, vnse ingeseghele witliken vnde mit gudem willen henghet laten an dessen breff, De geuen vnde screuen is na godes bort verteynhundert iar, darna in deme veffteynden Jare, des sunnauendes vor oculi.